

中國近百年史

蔣恭辰編

上海金城書店出版

中國近百年史

蔣 恭 辰 編

江苏工业学院图书馆
藏书章

上海金城書店出版

中華民國二十一年十月初版

實價大洋陸角
(外埠酌加寄費)

一史年百近國中一

版權所有 不許翻印

著 者 蔣 恭 晟

發 行 者 金 城 書 店

排 印 者 金 城 書 店

總發行所
代售處
本外埠各大書局

上海派克路
第七〇七號

金城書店

編輯例言

(1) 本史編輯之目的，爲高中或大學歷史教本及參攷之用，故採取史料務求廣賅精實，對於一般蕪雜記述之資料，概不引用。

(2) 本史之編輯，係紀事本末體，以事實爲經，年代爲緯，故紀載多屬一氣呵成，不分編篇章節等大小節目。

(3) 本史雖無編篇章節等之分，然爲教者便利教授起見，亦有段落之規定，教者可依鐘點而定教材之分量。

(4) 本史之編輯，係分政治外交經濟文化等四大部之紀述；政治包括政治重心之轉移，政治制度之變遷，及民族革命之成功等。外交包括外交史，喪地史與慘殺案等。經濟包括我國工商業進展之情形，交通與財政之進步，商戰失敗史等。而文化則紀述我國學術與教育之進步，社會制

度之變遷，及軍事法律之改良等。

(5) 本史每段終結以後，附有研究題，以便教師與學生之探討。

(6) 本史概用普通文言紀述。

(7) 本史取材複雜，且付印匆促，謬誤之處，自知不免，希海內大家，予以糾正。

中國近百年史上冊目錄

(一) 引論

(1) 道光以前清代歷史之鳥瞰

(2) 近百年史之意義

(二) 政治

(3) 道光朝之內政與內亂

(4) 咸豐朝之內政與民族革命之興起

(5) 同治之中興與內亂及民族命之挫折

(6) 慈禧之恣肆與德宗之政績

(7) 民族革命之進展與清室之滅亡

(8) 民國初年之設施

(9) 袁世凱之專恣與二次革命

(10) 洪憲之把戲與宣統之復辟運動

(11) 段祺瑞之恣肆與南方之護法運動

(12) 軍閥之專橫與北政府之腐敗

(13) 南北和議與南政府之變亂

(14) 直系之失敗與段執政政府之設施

(15) 民國以來我國政黨蛻變之情形

(16) 國民革命軍勢力之發展與中華民國之統一

(17) 我國軍事與政治之現狀

中國近百年史 上冊

一 引論

一 道光以前清代歷史之鳥瞰

滿清爲東胡族（又名通古斯族）之後裔，古代之朝鮮、宋代之遼、金皆是先族。現今東三省爲其發祥之地。自明朝萬歷（神宗年號）四十三年太祖努爾哈赤建國以來，國勢日盛，既吞滅鄰族，復顛覆朱明，其後曆經天命（太祖年號）、崇德（太宗）、順治（世祖）、康熙（聖祖）、雍正（世宗）、乾隆（高宗）、嘉慶（仁宗）等六朝，共一百九十餘年之間，爲滿清國勢鼎盛之秋。尤以康熙、雍正、乾隆三朝聲勢爲煊赫，其間如領土之擴張，④內亂之平定，②政治之整飭，③學術之獎勵（如編輯四庫全書、康熙字典等）均爲著名之設施，然而當清

兵下江南之時，因義師之反抗，^④殺戮甚慘。其中尤以揚州十日，嘉定三屠爲最酷。至今漢人思之，猶餘恨未消也。且清人於統治中國以後，嚴防漢人干政，故禁止漢人爲高官大吏，在雍正時，雖爲收拾人心起見，破除滿漢畛域，而引用張廷玉、岳鍾琪等，但亦不過外表之事而已。況當時文字獄屢起，^⑤殺人燒書，時有所聞，種種之暴政，無非欲銷制人口，強人服從而已，殊不知防民之口，難於防川，決猶可堵，而言發豈可復收乎？此所以民族革命之動機一發，清室卽一顛而覆也。抑又有言者，時當世界工業革命以後，各國均獎勵科學，而努力發展工商業，而清廷則不明世界大勢，閉關自守，瑯琊自大，并厲行科舉制度，使一般學者斷囑於科舉之八股文章中，以致思想落伍，科學不興，釀成今日學術頹衰之局，此亦不得不歸罪於滿清政府之昏憤也。

④ 清朝在康熙雍正乾隆三朝武功甚盛，國土亦擴大。如征服內外蒙古，滅準噶爾，平定西藏，青海土爾扈特，與烏梁海之歸附，回部與苗人之克服，以及安南、緬甸、尼泊爾諸國之臣服等。

均使領土擴大，國威遠揚，現在我中華民國之領域，大部仍依其舊也。

②清人平定明朝諸王及江南義師以後，不久在康熙時，又有吳三桂、耿精忠、尚之信等三藩之亂，及鄭成功之抗命，其中尤以吳三桂兵勢爲強，清廷竭全國之兵力，經十餘年之久，始將彼等陸續克服。

③清初政治，頗能整飭紀綱。世祖對官制、刑獄、苛稅等，均能整理革弊。聖祖則巡行各地，關心治安。而雍正一朝對於政事，尤爲勤勞，綱紀肅然，對於破除種族之見，而引用漢人，尤爲創舉。其餘如破除貴賤之階級，摧強附弱之政令，亦爲當時所歌頌。至高宗卽位，亦能肅規曹隨；然虛榮心甚大，且晚年和坤專政，政治日衰。

④清人之入主中國，明之遺民本多不服，後清廷又下令薙髮，於是反抗者愈衆，大江以南，民兵四起，著名者江陰閻應元、松江沈龍、徽州溫璜、吳江吳易、嘉定黃淳耀，宜與盧象觀、崇明荆本徹、太湖葛麟、崑山王佐才，及嘉興徐石麟等十餘人，一時聲勢頗盛，但不久陸續爲清兵所滅。

⑤清廷名爲獎勵學術，尊重儒人，實則摧殘士林，束縛思想，無微不至。在康熙、雍正、乾隆三朝，文字獄之發生，不下十餘次，書籍之被焚者，都千數百種，因文字獄株連而死者，達十餘萬人。

誠始皇以後之大劫也。文字獄之著者爲莊廷鑑之明史獄，戴震之南山集獄，查嗣庭之試題獄，曾靜呂留良之文評獄，謝濟世之註經獄，陸生楠之論史獄，胡中藻之詩鈔獄，王錫侯之字書獄，徐述夔之遺書獄等，殺戮均極其慘酷之能事。夫總觀以上各案，除曾靜呂留良文評之案件較爲重大外，（因其含有革命思想）其餘案件實無重大罪狀，今清廷小題大做，可見其草菅人命矣。

研究題：

- （1）滿清興起之情形如何？
- （2）康熙雍正乾隆三朝之政績如何？
- （3）滿清政府之防漢政策如何？

二 近百年史之意義

研究歷史之普通目的有三：即探求古昔，明白現在，與推測將來是也。故所謂近百年史者，乃研究現在史蹟之一部，而圖謀明瞭現在人類社會之活動事

實與因果也。吾國斷代史之作，起自班固之漢書，意在網羅漢代之史蹟，以明一代之人類社會活動之情形。自後歷代學者，繼作者甚多。及至晚近，史家爲便於研究起見，除一時一代之斷代史外，常將一部數千年之歷史，分爲數個階段，因有上古史，中古史，近古史，近世史，現代史之區分。昔日本學者桑原隲藏，嘗區分中國歷史爲四期：（一）自遠古至戰國爲上古期，（二）自秦至唐末，千餘年間，爲中古時期，（三）自五代至明末爲近古期，（四）清以來爲近世史。我國學者因之，而區分益繁。分區之主張，雖多紛歧，而目的則一也。我國近百年史之起點，史家多斷自清朝道光年間，其理由可得而言者，約有數端：（一）爲依世界大勢而論，道光時期適當十九世紀初葉，列強帝國主義者殖民政策發展之秋，我國與其他弱小民族，同時受其威逼。（二）爲清代衰微之開始，而民族革命之發生是也。滿清雖在康熙雍正乾隆三朝爲極盛之秋，然自乾嘉以來，內亂外患紛至沓來，清社從此爲墟。（三）爲我國國恥之開始，鴉片一戰，我國之弱點畢露，一切不平

等條約，被迫而陸續訂立。從此國恥重重，至今猶未能洗滌也。有此三端，故謂道光時代實爲我國由盛而衰之關鍵，此所以許多史學家，均以此爲近百年史之開端也。

研究題：

- (1) 研究歷史之主要目的有幾？
- (2) 何謂近百年史？
- (3) 史家何以以道光時代爲我國近百年史之開端？

二 政治

三 道光朝之內政與內亂

宣宗帝爲嘉慶之次子，在嘉慶四年被立爲皇太子，以其平教匪林清等有功，嘉慶寵愛殊甚，且一般人均預料彼將爲中興之主也。及西曆一八二一年卽位以後，頗努力刷新政治，勦除內亂，不遺餘力，亦可謂英明之主矣。惜乎積弊已深，一時無法澄清；且因鴉片問題，啓中英之戰，江甯條約訂立後，喪權辱國之事，累出不窮矣。茲將內政與內亂之情形，略述如左：

(甲) 內政……宣宗卽位以後，卽引用名臣陶澍、阮元、松筠、林則徐等，努力圖治。其事業之著者，爲獎勵開礦，新疆開墾，及行票鹽法三端。宣宗對於開礦之事，特爲重視，於道光二十四年，曾命軍機大臣轉飭四川總督寶興等，斟酌情形，積極開採，并允許民辦。後在二十八年，復命西南各省督撫切實

調查礦區，可見其熱心礦務矣。新疆雖於道光八年平定，但餘匪時爲邊患，及十一年，宣宗允長齡之請，招徠人民，開墾新疆西四城一帶之地，并施行屯田法，於是邊患漸靖。又兩准爲產鹽之地，當時政府所抽鹽稅，爲財政收入大宗，但因胥吏與奸商之舞弊，銷行不暢。及道光十一年，依陶澍①之請，改引地法②爲票鹽法，在海州一帶分設鹽店販賣，并于阨要之地，設立稅局，照票放行，否則卽予扣留，以私行走漏論罪。於是銷路大暢，政府之收入大增。

(乙)內亂……乾嘉以來，內亂頻仍，如白蓮天理教之亂③，海寇之擾，黔苗之變④等，均先後發難，清廷竭全國之兵力，經數十年之久，始行平定。及道光時，內亂又甚，著者有回疆之亂，湖粵騷亂等，末年又有太平軍之興起⑤。宣宗在位三十年，無時不在變亂之中也。茲將內亂情形，略述如次：

(1) 回疆之亂。我國西北新疆一帶，本多回民居住，及宋代以後，人

仰伊斯蘭教，性甚强悍。明清以來，時爲邊患。高宗既平回疆，（事在乾隆二十年）於各城要地，設置領隊大臣，直轄於喀什噶爾之參贊大臣。時清廷鑒于回族强悍難治，故對邊疆官吏之人選，甚爲慎重，且賦稅徵收亦輕，故數十年來，相安無事。及嘉道年間，邊疆吏治日益腐敗，駐防官之虐待回民，無所不至，因引起回疆之變亂。煽動回亂者，則爲張格爾。張本回酋薩木克之子，有大志，以傳教之法，籠絡人民，故甚得回人之擁戴，潛勢甚大。及嘉慶二十五年，變亂遂起，但勢力甚微。及道光五年，張格爾既擊敗清兵，復聯合敖罕⑥酋長，大舉入寇，聲勢浩大，清廷大震，急命楊遇春、長齡、楊芳等禦之。幸二楊善於用兵，遂大敗強敵，敖罕兵與張格爾均先後遠遁。宣宗爲澈底勦滅起見，嚴令長齡、楊芳等窮追，芳等遂發兵深進，卒於七年十二月追逐張格爾至喀爾鐵蓋山，勦滅殆盡。張格爾亦力竭被擒，於是回變始平，其後雖尚有敖罕之寇邊，與七和卓木之叛變，⑦旋亦平定。

(2) 湖粵 猺亂。猺爲未開化民族之一種，雜居兩廣湘黔諸省邊地，雖自「改土歸流政策」實施以來，間有同化于漢族者，然大部仍保持固有之習俗。又漢人以其愚蠢可侮，故常加以壓迫，猺人因此憤恨。道光十一年，猺之貨物，爲天地會（湖南與廣東人所結合）所劫掠，以怨無可訴，羣思變亂。時適有趙金龍與趙福才者，以巫神之術迷人，猺人信之者甚衆。二趙創言復仇，於是猺亂遂暴發，清廷聞訊，卽發兵勦之，屢爲所敗，勢遂大盛。清廷大震。十二年二月間，命湖廣總督盧坤，湖北提督羅思舉等會合貴州提督余步雲大舉會勦，以羅思舉韜略精密，猺衆先後被殲。趙金龍歿於陳，亂遂平定。

① 陶澍 湖南 安化人，時爲安徽布政使。

② 所謂引地法者，卽軍鹽須由官指定引地，督商販運之謂。

③ 白蓮教創自元末 韓山童，作經咒惑衆。明清以來，流傳日廣，徒亦愈衆，及乾隆四十年，教首